

Dilanti biblioteca na Playa

Festival di buki ta habri cu fiesta

TA custumber pa habri e festival di buki pa mucha cu un fiesta pa mucha y mayor. Esaki ta tuma luga dilanti biblioteca na Playa, riba caya diabierna awor pa 4'or.

Biblioteca Nacional Aruba ta laga fiesta di apertura parcialmente den man di un scol preparatorio of basico y librerianan local. Publico por spera un bunita presentacion di Maria School pa e apertura como tambe presentacion di e autornan participante. Lo tin cantamento di un grupo di mucha, entre otro nan ta canta e cantica di Festival, un produccion di Sr.

Robert Reeberg. Ademas riba programa un grupo di baile bou guia di Sr. Fredy Montoya. Clausura di e festival ta den man di Scol preparatorio Arco Iris e aña aki. Muchanan lo percura pa un bunita presentacion riba stage dilanti biblioteca.

E diferente libreria ta pone un coleccion di buki pa mucha na benta bou tent.

DeWit & VanDorp ta organisa un 'Ban topa!' dia 3 di November di 12'or pa 5'or. Muchanan por topa cu otro y e autornan y contadonan di storia. Tambe un poppenkast show cu Trupialen

y Tio Ali diadomingo di 4'or pa 5'or y mey ta riba programa e weekend aki.

Libreria Bruna tin su 'Kinderboekenbal 2012' di dia 2 pa dia 10 di December. Por bishita nan fanpage pa un schedule completo. Diasabra e escritor nan Tjibbe Veldkamp y Evelien van Dort ta firma buki, nan ta ofrece descuento, tin un quiz y tin un atardi di pinta carton den e siman venidero. Pa muchanan cu no ta haya un bishita na scol tin un programa di actividad na biblioteca trei merdia, tanto na Playa como biblioteca San Nicolas. Tur mucha ta bon bini.